



LET'S GO KIDAPAWAN



APRIL 2018

"Ang Mantalaan sa Dakbayan"

Tel. No. (064) 577-4829
infokidapawandty@gmail.com

"Go out and Vote!" - Mayor

Kini ang awthag ni Mayor Joseph Evangelista sa mga empleyado sa Kidapawan City Government kalabot sa nagkaduol nga Barangay ug Sangguniang Kabataan elections sunod buwan.

Kini ang mensahe sa opisyal atubangan sa gatusan ka-employado sa laraw nga madunggan ang tingog sa katawhan ug makalingkod ang angayang makatutong sa katungdanan.

Pamaagi usab matud pa kini aron malikayan ang mga reklamo batok sa makalingkod nga barangay Officials nga huyang ang pagpadagan ug ubos ang kalidad sa performance.

Sigon ni Mayor Evangelista, bililhon ang katungod sa pagpili ug opisyal tungod lakip kini sa mga prebilibhiyo isip mulupyop sa nasud Pilipinas.

Iyang gitataw, gawasnon ang tanang empleyado sa City Government sa pagpapili sa mga kandidato nga alang kanila adunay tinuod nga tinguha sa pagpanerbisyo ug mapauswag ang kalidad sa panginabuhì.

Samtang, nipahimangno si Mayor Evangelista sa tanang botante



nga dili magpadala sa pagpanuhol ug bahad gikan sa kinsang kandidado, sanglit itaho gilayon kini sa Comelec o kapulisan.

1,229 Kandidato, Nilansad

Kapin sa usa ka libong kandidato ang nisumiter sa ilang

certificate of candidacy sa tali-abot Barangay ug Sangguniang kabataan election karong Mayo.

Subay sa datus sa COMELEC, 87 ang nilansad pagka-Kapitan, 703 ang barangay kagawad, 99 SK chairman ug 355 SK kagawad gikan sa 40 ka barangay sa dakbayan.

Gisugdan ang filing niadtong Abril 14 ug nitapos sa Abril 21, 2018.

Gitakdang mag-abli ang kampanya karong Mayo 4 hangtud Mayo 12, 2018.

Dungan niini, gihugtan na sa kapulisan ang pagdili sa pagtakin sa armas ug hinagiban pinaagi sa pagpatuman ug surprise highway checkpoint.

Ginadili usab ang pag-appoint ug re-assign sa mga empleyado sa gobyerno ilawom sa nagtunhay nga Omnibus Election Code.

Nipahimangno ang Comelec sa mga botante nga sayron na ang ilang piliang kandidato ug susihon ang ilang mga presinto aron dili malangan sa pagbotar karong Mayo 14.

-A.Tabuoc/L. Oasay

Briefing ug Covenant signing, gihimo sa tanang kandidato sa Barangay ug SK sa Kidapawan



Gipunting ni Atty. Luna, nga human sa pag file ug Certificate of Candiacy, wala pa ginatugtan ang usa ka kandidato nga mangampanya.

Sa Mayo 4-12,2018 pa ang campaign period, maong ang pagpangampanya sa wala pa miabot ang gitakdang adlaw, hingpit nga ginadili sa Comelec.

Lakip niini, ang pagpatapot sa posters ug streamers ilawom sa sa Fair Election Act tungod mahagbong kini nga usa ka premature campaigning.

Adunay monitoring team ang Comelec nga natahasang magmonitor ug maoy manangtang sa campaign materials gawas sa designated common poster's area.

Una mahuman ang tigom nipirma ug usa ka kasabutan ang tanang mga kandidato, asa ilang gipadayag ang pagsunod sa balaud, ug ang paglikay sa pagnilabayay ug mga hugaw nga pasangil sa kaatbang sanglit ang piniliay lumalabay lang.

Nanaad usab ang mga kandidato nga ilang himuon nga limpiyo ug hapsay ang taliabot nga piniliay sa Barangay ug Sangguniang Kabataan sa tibuok dakbayan sa Kidapawan.

-Williamor Magbanua

Gipa-ilawom sa orientation-briefing ug covenant signing ang mga kandidato nga magpapili sa tali-abot Barangay ug Sangguniang Kabataan election.

Mismong si Atty. Myla Luna, City election officer ug Ynez Kionisala, City Interior and Local Government Unit head uban ang PNP ug army ang maoy nagpasiugda sa maong tigom nga natigayon sa city gymnasium.

Mainiton nga nisalmot ang mga kandidato sa Barangay ug Sangguniang Kabataan gikan sa 40 ka mga barangay sa dakbayan.

Gipasabot sa mga kandidato ang mga ginatugot ug ang ginadili sa election campaign.

2 Brand-new graders, gidiretso sa Road Rehab



Operational na ang duha ka Brand-new graders sa Kidapawan City LGU human ang blessing and turn-over ceremony.

Matud ni Mayor Joseph Evangelista, gideretso sa barangay ang mga ekipo aron mapapasas ang road rehabilitation ug dili malangan ang pagkanaog sa daghang katawhan ug ilang produkto.

Gimando usab sa Mayor ang pagpadali sa road openings sa Davao-Cotabato alternate routes aron makunhod ang ihap sa sakyanan nga galatas sa sentro sa lungsod.

Dinhi gibutyag usab ni Mayor Evangelista nga human sa 7 ka garbage compactors ug 2 ka graders, gilauman usab nga muabot ang 1 ka brand-new backhoe nga napalit sa city LGU.

Timailhan matud pa nga adunay ginapadulngan ang buluhisan nga angay mubenipisyo usab sa katawhan.

- Andrew Tabuoc

Balindog-Patadon highway, hayag na

Gikalipay sa mga motorista ug mga residente nga nanimuyo gikan Barangay Balindog hangtud Patadon ang nasinati nga kahayag human nga nagsiga na ang suga sa poste sa national highway

Kini human nga nabutangan ug sugang dagitab ang 68 ka mga poste sa maong highway.

Dakong tabang kini aron lamdagan ang mga motorista nga sagad nagabiyahe sa gabie.

Migahin ug P3.5 ka milyon ang Local Government Unit sa Kidapawan, pinaagi kang City Mayor Joseph A. Evangelista, aron kumpleto nga mabutangan ug mga suga ang nasampit nga dalan nga sa dugay'ng panahon gimulo sa mga biyahedor.

Human niini, isunod na usab



ang area sa Barangay Magsaysay.

Matud kang Mayor Joseph Evangelista, anaa sa P1.8 milyones ang gigahin nga pondo aron maiplementar ang maong proyekto.

Anaa sa 104 ka mga poste ang pagabutangan ug mga suga sa city government, dungag pa sa mayor.

Gina bidding na sa pagkakaroon ang susamang proyekto alang usab sa pagbutang ug mga sugang dagitab sa

136 ka mga poste nga nanukad gilana kanto sa Metro Kidapawan Water District (MKWD) padulong sa lungsod sa Magpet.

Gigahinan sa city government ug mukabat sa P6.7 milyones ang maong proyekto, sigon pa kang Mayor Evangelista.

Dakong tabang ang pagpasiga sa mga suga sa nag-unang kadalanan sa dakbayan aron mababagan ang posibleng krimen nga sagad ginahimo sa mga suspek matag gabie.

Gi-awhag sab ni Mayor Evangelista ang mga residente nga duol sa poste nga mutabang sa pagbantay ug pagsiguro nga dili binuangan ang mga suga, isip ilang counterpart.

Gibana-bana nga mukabat sa P67, 500 ang paga-abagahon nga bayronon sa city government matag bulan ngadto sa Cotabato Electric Cooperative (Cotelco).

-Williamor Magbanua

2.6M livelihood assistance, gihatag sa 4Ps Associations



Abot sa Php2.6Million nga kapital sa negosyo ang gihatag Department of Social Welfare and Development alang sa 10 ka asosasyon sa Pantawid Pamilyang Pilipino program (4Ps).

Personal kining gihatag ni Mayor Joseph Evangelista ngadto sa mga benepisaryo aron dayong magamit ug masugdan ang ilang kitaan.

Bag-o kini, gipailawom sa makuting evaluation ang mga

asosasyon tumong nga masusi ang angayang mudawat sa livelihood assistance.

Ang pundo nagkikan sa Micro-Enterprise tract ilawom sa Sustainable Livelihood Program sa DWSO 12.

Kadaghanan, community store, bugasan ug agri-vet supplies ang ilang napiling negosyo.

Una niini, gipailawom sa training workshop ang mga binepisaryo sama sa social preparation, capacity building activities, basic management training, ug operation and maintenance guidelines.

Tumong masiguro nga mulungtad ang ilang mga nadawat nga ayuda ug mapuslan sa dugay nga panahon.

Sagad sa mga asosasyon nagkikan sa barangay Ilo-mavis, Poblacion, Kalaisan, Kalasuyan, Amas ug San Isidro. -Lloyd Oasay

'Mayor Joseph Evangelista Leadership Awards', gihatag

Dise-nuebe ka bag-ohay ni gradwar sa kolehiyo ang nakadawat ug Mayor Joseph A. Evangelista Leadership Awards karong tuig.

Sila mao ang mga tinun-an nga nag-una dili lamang sa academics apan lakip na sa community service isip miyembro sa Kidapawan City Collegiate Federation (KCCF).

Mismong si mayor Joseph Evangelista, maoy nangunay sa pagtaud personalized medal sa mga awardee.

Gilangkuban kini nila Jayson J. Bandiola, Jeszyl C. Mahilum ug Toni Grace Oyog sa Read Data Access Computer College (RDACC).

Dianne Marie A. Quiamco, Warren P. Quinones ug Irish Yvonne B. Ratilla, gikan sa Notre Dame of Kidapawan College (NDKC).

Samang awards usab ang nadawat nila Ritchie Love N. Templa,



Melanie A. Pardillo ug Von Jovie Kier S. Samson, sa Central Mindanao Colleges (CMC).

Gikan sa Kidapawan Doctor's College Inc. awardee sila si Ivan John A. Neyra, Jacky George V. Dalida ug Jocelle Marie J. Canada. Rhoy P. Bacasmas, Gilbert D. Dela Cruz ug Jaworsly E. Masaya, sa Kidapawan Technical School and Security Training Center.

Sadam M. Guiamelil, Jefferson Armada ug Geneva Alpas sa University of Southern Mindanao-Kidapawan City Campus (USM-KCC). Ana Mae L. Aranzado gikan sa North Point College of Arts and Technology. -W. Magbanua

Libreng tuli, gidagsa

Mukabat sa 600 ka mga batang lalaki ang naserbisyon sa libreng Operation Tuli nga gipasugdahan sa 'With Love Jan' foundation ug City LGU niadtong Abril 19-20, 2018.

Sayu sa buntag nakapila na ang gatasan ka kabatan-unan gikan sa 40 ka barangay.

Mismong mga doctor sa City Health Office ang nihimo sa surgical operation samtang giako sa With Love Jan Foundation ang antibiotic ug pain reliever.

Gipahimangno sa mga doctor nga gawas sa pag-inom ug tambal sulod sa pito ka adlaw, gikinahanglan nga limyo usab kanunay ang samad aron layo sa peligro ug dili kini musangko sa impeksyon.

Dili lamang kabahin sa tradisyon ug kultura sa mga Pilipino ang pagpatuli sa mga batang lalaki aron sila iandam sa pagka-ulitawo apan makatabang usab kini sa kinatibuk-ang kahimsog panglawas, sigon pa sa CHO. - Lloyd

City Hall employees, Gipailawom sa first aid ug CPR Training

Igong kahibalo sa first aid ug Cardio Pulmonary Resuscitation (CPR) ang gihatag sa gatasan ka mga empleyado sa City Government.

Gidumala ang aktibidad sa Call 911 ug Philippine Red Cross sa tumong nga itudlo ang mga hustong himuon sa dili matagna nga emergency.

Kabahin kini sa Public Safety program nga ginaduso ni City Mayor Joseph Evangelista.

Gitudlo sa lecturers ang CPR, bandaging, immobilization, lifting & moving, ug pagkuha sa vital signs.

Nitapos ang training sa actual demonstration nga sumbanan sa napupu nga kahibalo sa training.

Nahatagan usab sa usa ka tuig nga Red Cross insurance ang matag partisipante nga giabaga sa LGU.

Gihimo ang nasampit nga training Abril 18 ug 25, 2018 sa Senior Citizen's Building sa City Hall.

-Lloyd Oasay